

## پولس موعظہ کونہ کی عیسیٰ مسیح، قوم اسرائیل کتاب مقدس تکمیل کودہ

۱۳ او وختان پولس خو ہمراہان امرأ جہ رای دریا، جہ پافوس بہ پرجہ ی پامفیلیہ بوشویدی۔ ولی اویہ یوحنا اوشان جا سیا بوبوستہ و واگردستہ اورشلیم۔ ۱۴ اوشان جہ پرجہ شہر بوگوذشتیدی و فارسہ ییدی انطاکیہ کی ایتا جہ شہران استان پیسیدیہ بو۔ روز\* سبت کی یہودیان رہ روز استراحت و پرستش خوداوند بو، بوشویدی کنیسہ میان، بینشتیدی۔ ۱۵ بعد خواندن موسی کتاب تورات و پیغمبران دیگر، کنیسہ رہبران اوشان بوگفتید: «براران، اگہ پیام دیلگرم کونندہ مردوم رہ داریدی، بیگید۔»

۱۶ پولس بہ پا پیسہ و خو دس امرأ اوشان اشارہ بوکودہ و بوگفتہ: «ای مرداکان اسرائیلی، ای خوداترسان، گوش بدید! ۱۷ خودا، امی پئران، یعنی قوم بنی اسرائیل، انتخاب بوکودہ و اوشان امرأ عہد و پیمان دوستہ و او قوم زمانی کی مصر میان اسیر بید سربولند کودہ۔ خو قدرت عظیم امرأ اوشان او سرزمین جا بیرون باوردہ ۱۸ و نزدیک چہل سال بیابان میان اوشان تحمل بوکودہ۔ ۱۹ اون ہفت تا قوم کی کنعان میان ایسہ بید، نابود کودہ و خودش قوم، وارث او سرزمین بوکودہ۔ ۲۰ تومام اشان مدت زماٹ اسارت مصر دورون، تا بہ دس آوردن سرزمین موعود، چہار

---

\* ۱۴:۱۳ کتاب تورات دورون بینشتہ بوبوستہ کی سبت، ہفتمی روز ہفتہ یی ایسہ کی او روز میان وستی یہودیان کار نوکونید و تومام روز عیادت و استراحت بوکونید۔

صد و پنجاه سال طول بکشه. تا سموئیل نبی زمان، رهبران زیادی خودا قدرت امرأ او قوم اداره بوکودیدی. ۲۱ بعد رهبران، امی قوم آرزوی ایتا پادشاه داشتیدی و خودا شائول اوشان فده کی قیس زای جه بنیامین قبیلہ بو و اون چهل سال پادشاهی بوکوده.

۲۲ وختی خودا پادشاهی شائول جا فیگیفته، داوود انتخاب بوکوده کی اوشان پادشاه ببه و بر اون شهادت بده، بوگفته: (من یسا زای، داوود کی مورد پسند من ایسه انتخاب بوکودم؛ اون کسی ایسه کی تومام می کار، دیل و جان امرأ انجام دهه.)

۲۳ جه نسل داوود نبی، هوطو کی خودا وعده بده بو، عیسای اوسه کوده تا اسرائیل ره نجات دهنده ببه. ۲۴ قبل ان کی عیسی بایه، یحیی قوم بنی اسرائیل ره موعظه کودی کی توبه بوکونید و تعمید فیگیرید. ۲۵ وختی یحیی خو دوران به آخر رسائن دبو، بوگفته: (فکر کونیدی کی من کی ایسم؟ من مسیح نییم؛ بلکی اون بعد من آیه کی من لایق نییم اون کفش بند و اکونم.)

۲۶ ای براران، ای ایبراهیم زاکان و ای غیریهودیان خوداترس کی آیه ایسه ییدی، و بدانید امی وستی بو کی خودا، خو زای عیسی مسیح نجات دهنده ای اوسه کوده. ۲۷ مردوم اورشلیم و اوشان پیلہ کسان، عیسای نشناختیدی و پیغمبرانی کی اوشان کیتاب دورون پیشگویی بو بوسته بو و همه ای سبت روزان میانی اون خواندیدی، نفهمستیدی. اوشان عیسی محکوم کوندن امرأ انبیا پیشگویی به انجام برسائیدی ۲۸ و هر چند هیچ گوناھی عیسی مسیح کوشتن ره پیدا نوکودیدی جه پیلاطس

حاکم بخوآستیدی کی اون بوکوشه. ۲۹ وختی هرچی کی خودا کلام میانی دربارہی  
اون بینویشته بوبوستہ بو بہ انجام برسآنہ ییدی، اون صلیب جا بیجیر بأوردیدی و  
قبر دورون بنہ یید. ۳۰ ولی خودا اون، جہ مُردہ یان دورونی زندہ کودہ ۳۱ و عیسی  
مسیح خیلی روزان خودش بہ شاگردانی کی جہ سفر جلیل بہ اورشلیم اون امرأ  
بمو بید آشکار کودہ. ہسہ اوشان امی قوم میان اون شاہدان ایسیدی.

۳۲ امان شمر بشارت دیمی کی خودا بہ خو وعدہ یی کی امی پتران فدہ بو ۳۳ عمل  
بوکودہ و امی وستی، کی اوشان زاکان ایسیم، عیسای جہ دنیا ی مُردہ یان زندہ کودہ،  
ھو طو کی مزمور دوّم میان بینویشته بوبوستہ:

(تو می پسر ایسی؛

ایمروز، من تر می زای چاکودم \*.)

۳۴ و خودا اون جہ مُردہ یان ویریزانہ کی هرگز اون جسم فاسد نہ، ھو طو کی اشعیا  
کیتاب دورون بمو:

(من او برکات مقدس و ایطمینان بخشی)

کی داوود قول بدہ بوم، تر بخشم \*.)

۳۵ ھن وستی جائی دیگر کیتاب زبور میانی بوگفتہ بوبوستہ کی خودا ایجازہ نده  
کی اون زاک بدن مقدس قبر میانی بیوسہ:

\* ۱۳:۳۳ مزمور ۲، آیہ ۷

\* ۱۳:۳۴ اشعیا نبی کیتاب، باب ۵۵، آیہ ۳

(تو می پٹر، ونالی کی تی زای کی قدوسہ بعدِ مَرَدنِ جہ میانِ بشہ\*.)

۳۶ «چونکی داوود، بعدِ اون کی خودا ارادہ امرأ مردومِ خو زمانہی خدمت بوکودہبو، بمرده و خو آباجدادِ ورجہ بوشو و اونِ جسمِ فاسدِ بوسستہ. ۳۷ عیسیٰ مسیح، کی خودا اونِ جہ دنیایِ مُردہیانِ ویریزانہ اونِ جسمِ فاسدِ نوبوسستہ.

۳۸ «پس، ای براران، وستی بدانید کی آمرزشِ گوناہان، عیسیٰ مسیح، امرہ فراہم بوکودہ. ۳۹ ہسہ ہر کی بہ عیسیٰ نام ایمان باورہ، جہ گوناہان آزاد بہ، کی موسیٰ شریعت نتانستی اونِ رہ او کارِ بوکونہ. ۴۰ پس مواظب ببید پیغمبرانِ گبان در موردِ شومان نہہ کی بفرمأستیدی:

۴۱ «بیدینید، ای شومانی کی ہمہ چیی مسخرہ کونیدی،

تعجب بوکونید و بزین ہلاکِ بید،

چون شیمی زمانِ میانِ کاری کونم

کی ہر کس ہم اونِ شمَرِ واگویا بوکونہ

بازم باور نوکونید\*.

۴۲ وختی پولس و برنابا جہ کنیسہ بیرون شوئون دیبید، مردوم اوشانِ جا خواہش بوکودیدی کی ہفتہی دیگرم ہہ کلامِ اوشانِ رہ بیگید. ۴۳ وختی کی مردوم کنیسہی ترک کودیدی، خیلی جہ یہودیآن و غیریہودیآنی کی یہودی بوبوسستہبید، پولس و

\* ۱۳:۳۵ مزمو ۱۶، آیہ ۱۰

\* ۱۳:۴۱ حَبَقوقِ نبی کیتاب، باب ۱، آیہ ۵

برنابا دونبالسر راه دگفتیدی. پولس و برنابا اوشان تشویق بوکودیدی کی قوت امرأ  
خودا فیض دورون بیسید.

۴۴ هفته بعد شنبه روز ره کی هو سبت ایسه، تقریباً توما مردوم شهر دور هم  
جمع بوسته بید کی خوداوندا کلام بیسنوید. ۴۵ ولی وختی یهودیان، زیاد بوستن  
مردوم بیده بیدی جه حسودی و مخالفت، پولس بی حرمتی بوکودید.

۴۶ ولی پولس و برنابا، شجاعت امرأ بوگفتیدی: «لازم بو خودا کلام اول شمر  
فارسانیم. ولی چون شومان اون قوبیل نوکودیدی و خودتان لایق زندگی ابدی  
نأستیدی، پس هسه امان شیمی غیریهودیان ورجه. ۴۷ چونکی خوداوندا امر  
بفرماسته کی:

(تر غیریهودیان ره نوری قرار بدم، کی نجات به گوشه و کنار زمین فارسانی\*.)»  
۴۸ وختی غیریهودیان بیسنوستیدی، خوشحال بوستیدی و خوداوندا کلام ستایش  
بوکودیدی؛ و اوشانی کی پیشتر زندگی ابدی ره انتخاب بو بوسته بید، ایمان  
باوردیدی.

۴۹ خوداوندا کلام، سرتاسر اطراف شهر انطاکیه پیسیدیه پخش بوسته. ۵۰ ولی  
یهودیان حسادت جا، او شهر پولدار زناکان کی یهودی بو بوسته بید و با نفوذ بید و  
هطو سرشناس مرداگان تحریک بوکودیدی تا پولس و برنابای اذیت و آزار بوکونید.  
اوشان پولس و برنابای جه او شهر و دور اطراف بیرون کودیدی. ۵۱ پولس و برنابا

\* ۱۳: ۴۷ اشعیای نبی کیتاب باب ۴۹، آیه ۶

آكارِ وستى خوشآنِ خاكِ پاىِ اويه بتكنه ييدى و به شهرِ قونيه بوشوييدى. ٥٢ ولى  
انطاكيه ايماندارانِ جِه شادى و روح القدس پور بيد.